



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 50. Vicissitudines Antiochiæ & Alexandrinus.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. L.

Sæculum V.
A.C. 477.*Vicissitudines Antiochiæ & Alexan-
driæ.*

Zeno Imperator, quæ Papa volebat, perfecit. Ipso iubente, Petrus Fullo in Concilio Episcoporum Orientalium depositus est, hunc enim premi, quod Basilisci amicum crederet, Zeno gaudebat. In ejus locum Joannes Episcopus Apamiensis quidem suffectus est, sed eodem post menses tres pulso, Stephanus, vir piissimus, Episcopus Antiochenus ordinatur. Is illico epistolis Synodalibus ad Acacium Constantinopolitanum datis, ordinationem suam, Petrique & Joannis condemnationem retulit. Acacius, convocato Episcoporum, qui Constantino-
poli illis diebus versabantur, Concilio, Petrum Fullonem, Joannem Apamiensem, & Paulum Ephesinum damnavit, atque ad Papam Simplicium scripsit, rogans, ut si ad ipsum confugerent, eos nec in conspectum admittere, nec recipere ad Pœnitentiam dignaretur. Papa quoque hos viros damnavit, & in Rescripto Acacio suadet, Imperatorem urgeret, ut eos extra Imperii limites deportari juberet.

*Theoph.
p. 107.**Vales. Diss.
de Petr. & c.
c. 2.*

Paulo e Sede Ephesina ejecto, Episcopi Asiæ Acacii Constantinopolitani animi mitigaturi, veniam rogarunt, mis-
saque

*Evagr. III.
c. 8. c. 9.*

Sæculum V.
A. C. 477. saque epistola, qua factum retractabant, juramento affirmabant, subscriptionem epistolæ Circularis Basilisci fuisse a se vi extortam, nec se ullo tempore aliam, quam Concilii Calcedonensis Fidem, tenuisse.

Cum Zeno etiam Timotheum Elurum Alexandria ejecturus esset, fuere, qui dicerent Principi, virum extrema ætate pressum longe proficisci non posse; nec fefellit eos conjectura, quippe inter paucos dies e vivis abiit. Fama est, timentem, ne fugere cogeretur, sumpto

Breviar. Liber. c. 16.
Genn. script. n. 80. veneno dedecus anteverit. Discipuli ejus spargebant in vulgus, ipsum mortem suam prædixisse; & profecto id sine prodigio poterat, si verum sit, quod suo arbitrio mori statuerit. Dicti sunt Timotheani, & Concilium Calcedonense rejiciebant, etiam si Eutychnianis plene non

Evagr. II. c. 11. consentirent. In ejus locum Episcopi Hæretici illius Regionis Petrum, olim Archidiaconum, cognomento Moggum, seu *Moggos*, id est Balbum, inconsultis omnibus, eligere ausi sunt, quem unicus Episcopus, & noctu ordinavit.

Felix ep. I. ad Acac. p. 1050. Hæc res ad Zenonem delata, oppido displicuit; idcirco datis ad Anthemium, Ægypti Præfectum, litteris, mandavit, ut Petrum depelleret, eos, qui ipsum ordinassent, puniret, & Timotheum *Sabofaciote* Sedi Alexandrinæ restitueret.

Præfe

Præfectus, quæ imperata erant, non segni-
ter executus est. Imperator etiam ad Epis-
copos, Clericos, & Laicos totius Ægypti
epistolas dedit, quibus intra bimestre ad
Communem Timothei redire jube-
bantur, & detrectantibus indicebatur
pœna, suis Dignitatibus, & Ecclesiis esse
privandos. Ordinationes omnes Timo-
thei Eluri, & Petri Mongi, nullas pro-
nunciavit.

Timotheus Solofaciolo, Clericis Con-
stantinopolim missis, Gratias egit Impe-
ratori. Inter illos Clericos erant Gen-
nadius, Episcopus Hermopolitanus, pro-
pinquus ejus, & Joannes cognomento
Talaja, qui in Canopo sub Regula Taben-
nensium Monachus fuerat, Ecclesiæ Ale-
xandrinæ œconomus, & deinde Presby-
ter. Postquam Legati isti sibi mandata
perfecissent, ceteris Alexandriam redeun-
tibus, Episcopus Gennadius Constantino-
poli remansit, officio Apocrisarii Patriar-
chæ Timothei jussu functurus. Acacius
Constantinopolitanus ad Simplicium Pa-
pam perscripsit, tristes Ecclesiæ Alexan-
drinæ vices in lætiores esse mutatas, Ti-
mothei Eluri decessum, Petri Mongi fu-
gam, & Timotheum *Solofaciolo* restitu-
tum, cujus lenitatem, & patientiam lau-
dat. Epistola Papæ Responsoria 13. Mar-
tii, anno 478. Illo Consule data est. In
fine epistolæ queritur de timiditate Timo-
thei,

Sæculum V.
A. C. 478.

Liber. ibid.
Evagr. III.
c. 12.
Episcopi An-
tiocheni &
Alexandrini.

Epist. Acac.
to. 4. *Cont.*
p. 1080.

Simpl. ep. 9

Hist. Eccles. Tom. VI. K k k thei,

Sæculum V. thei, qui sustinere potuisset, ut nomen
A.C. 478. Dioscori ad aram recitaretur. At non

Epist. II.

diu post hæc Timotheus Pontificem mit-
tigavit, nam tres Legatos cum epistolis
solemni ritu misit, qui Reditum ad Eccle-
siam suam nunciarent, & rogarent, ut
Papa potissimum Hortatore, Imperator
Petrum Mongum e suis latebris erutum,
quippe clam omnibus Alexandriae hære-
bat, proscriberet. Id quoque significa-
bat Timotheus, quod errorem, metu ad-
missum, ut Nomen Dioscori legeretur,
jam emendasset, veniam petebat, mitte-
batque Papæ eorum Indicem, qui, a Ti-
motheo Eluro, & Petro Mongo seducti,
factioni pessimæ renunciabant. Simpli-
cius Papa ad Imperatorem, & Acacium
Epist. 10. Patriarcham tales epistolas, quales Timo-
theus exoptabat, dedit.

Elapso haud multo tempore Simpli-
cius Papa epistolas accepit a Zenone Im-
peratore, & Acacio Patriarcha ad se da-
tas, quibus immane facinus Antiochiæ
commissum referebant. Stephanum, cum
Evagr. III. uno ferme anno Sedem Antiochenam te-
nuisset, Hæretici invadunt, atque canis,
in acumen extenuatis, lancearum instar
usi, in Ecclesia transfodiunt, occisi Cor-
pus, per urbem raptatum, Orontis flucti-
bus demergunt. Ecclesia S. Stephano

Martyr. locum inter Martyres die 25. Aprilis ad-
25. April. signavit. Imperator, comperto Parrici-
dio,

dio, Antiochiam misit, qui Seditio-
 ctiores meritis pœnis afficerent. Cives,
 missis Legatis, facti veniam precabantur,
 & petebant, ut, ad tollendam enormis
 mali occasionem, futurus Antiochiæ Epis-
 copus Constantinopoli ordinaretur. Vo-
 ti compotes Imperator esse voluit; ita-
 que Acacius, jubente Imperatore, Epis-
 copum Antiochenum ordinavit alium
 Stephanum, qui Stephanus junior dicitur,
 Pietate, æque ac Antecessor ejus, in-
 signem.

Cum huic Ordinationi Leges Eccle-
 siasticæ adversarentur, Imperator, & Pa-
 triarcha, datis ad Papam litteris, roga-
 runt, ut, quod necessitate, & amore Pa-
 cis fecissent, approbaret. Pontifex Im-
 peratori respondit in hunc modum: *Si
 ea, quæ Fratri meo Acacio in Causa Petri,
 aliorumque scripseram, facta fuissent, nun-
 quam infanda crimina, quæ jam punienda
 sunt, commissa fuissent. Quippe manda-
 veram, ut, tradito tibi Libello supplice,
 & ipse, & omnes illi, qui Tyranni Favo-
 re abusi, alienas Ecclesias usurpaverant,
 ultra Imperii limites ejicerentur. Itaque
 saltem nunc, si aliqui eorum supersunt, li-
 bera hac peste Ecclesiam, & in exteras Re-
 giones deportari jube. Quia vero credi-
 disti, Seditio-
 nem Antiochenorum aliter
 compesci non posse, quam si novus Episco-
 pus contra Synodi Nicenæ Decretum Con-*

Sæculum V.
 A.C. 478.

Simplicii Pa-
 pæ epistola
 ad Zenonem
 Imp.

Simpl. ep.
 14.

Kkk 2

stanti-

Sæculum V. *stantinopoli ordinaretur, salvo in posterum*
A. C. 479. *jure Concilii Orientalis, cui ordinare Episcopum Antiochenum competit; S. Petrus Apostolus pollicitationem tuam, & juramentum recipit, ne, quod Frater meus, te jubente, fecit, futuris temporibus in Consuetudinem trabatur. His conditionibus, quod ad obtinendam Pacem fecisti, ratum habemus. Hæc epistola 22. Junii, anno*
epist. 15. 479. data. In eundem sensum Papa Acacio scripsit; in primis inculcans, ne hoc exemplum in futurum Præjudicio sit. Imperator, Consilium, a Papa suggestum, secutus, Petrum Fullonem Pityontum, locum in terminis Imperii ad Pontum situm, in Exilium misit; at Petrus custodes fefellit, confugitque ad S. Theodorum Euchaitarum; hunc eundem esse, a Græcis
Theoph. p. 107. Trichinas ob asperrium, quo corpus domabat, Cilicium, appellatum credunt.
Menol. 20. April.

§. LI.

Martyrius Patriarcha Jerosolymitanus.

vit. S. Euthym. p. 86. Anastasius Patriarcha Jerosolymitanus diem clausit initio Januarii, quinto post Leonis Imperatoris mortem anno, nempe 479. postquam Cathedram Episcopalem tenuisset annos viginti. Successorem habuit Martyrium, in Cappadocia natum, qui, in Ægyptum delatus, p. 69. aliquamdiu inter Nitrienses Anachoretas
Sup. 2. versatus fuerat. Inde post trucidatum
 Prote-